

李文忠公全書 奏稿

卷五十六
五十七

李文忠公奏稿

卷之五十六目錄

遵議維持商局摺光緒十二年正月二十一日

酌定鐵甲船人數餉數摺光緒十二年二月初九日

覈覆疏河轉地籽無用片光緒十二年二月初九日

請給洋員寶星片

光緒十二年二月初九日
附清單

曰意格陳季同請獎片

光緒十二年二月初九日

請給恆甯生寶星片

光緒十二年二月初九日

請開復王永勝原銜片

光緒十二年二月初九日

覆陳長蘆帑利摺

光緒十二年二月十二日

籌辦奉天吉林電線片

光緒十二年三月十五日

復價減收展限片

光緒十二年三月十五日

請獎代訂鐵艦洋員摺

光緒十二年三月十五日

滇粵邊界通商議約摺

光緒十二年三月二十二日

附清單
附約款

李文忠公奏稿卷五十六

全集一之五十六

桐城吳汝綸編錄

遵議維持商局摺

光緒十二年正月二十一日

奏爲遵議維持招商局事宜以保中國權利恭摺仰祈
聖鑒事竊臣等欽奉光緒十一年九月十二日

寄諭順天府代遞道員葉廷眷條陳內扶持商局一條據稱請准
招商局輪船裝運鄂鹽該局承運漕糧請照沙船回空免稅章程
辦理並展緩運漕限期藉客貨水腳補其不足湖北帽合茶酌減
稅課歸局裝運等語所陳各節係專爲維持商務起見惟於各該
省鹹政稅釐有無關礙著李鴻章曾國荃體察情形籌商奏明辦
理至該局事務應否令蘇松糧道及江海關道就近會商並著酌
議具奏等因欽此遵卽分行各該司道等體察籌商去後旋據議

覆前來竊維輪船招商局之設原因各口通商以來中國沿江沿海之利盡爲外國商輪侵佔故設法招集華股特創此局以與洋商爭衡庶逐漸收回權利所關於

國家體制華民生計極巨亦實爲中外交涉之大端惟船棧碼頭各項成本甚重與洋商分攬客貨常年所得水腳無多且洋商心懷嫉忌屢次跌價傾擠上年又遭法兵之擾海舶難行遂致局本層遞虧折該員等無法支柱不得不暫借洋債以濟急需當此局勢岌岌之際必須官爲維持乃可曰就起色葉廷眷所陳各節頗有見地但局船裝運鄂鹽及展緩運漕限期兩條不無窒礙應無庸議其運漕局船回空照沙船免稅一條查運漕沙甯船回空凡在北洋三口裝載豆貨雜糧等項向准全免出口稅在案局船本可照辦惟恐免稅較多於稅餉有礙飭據津海山海東海江海關

道議覆嗣後商局輪船運漕回空請免北洋三口出口稅二成如
原來裝米一千石回空時免收出口貨稅二百石查照派運米數
通扯免足二成仍較沙甯船少免八成以示區別又湖北帽合茶
一條飭據津海江海江漢關道復稱帽合茶向由鄂豫內地運赴
張家口蒙古地方粗枝大葉價值最輕嗣後如華商由鄂附搭商
局輪船出口請照磚茶之例每百斤減爲出口正稅銀六錢並免
復進口半稅庶局船藉得水腳他船不得攬載其由津北運張家
口外仍照完沿途內地稅釐以上兩條應請均自本年開辦起另
將執照保單及稽核章程核定分飭遵照惟葉廷眷原請各條以
運鹽爲大宗今運鹽既有窒礙僅運漕回空免稅二成及裝運帽
合茶兩項尙可酌准綜計所沾利益每年不過合銀二萬兩左右
局累旣深實不足以資補救查該局奏定章程原擬藉運漕水腳

以補攬載客貨之不足局中有此津貼方可與洋商爭衡而不爲傾擠前曾議明局船應得水腳悉照沙甯船定章每石實銀五錢六分零未幾又有扣減上年美商旗昌與英商怡和太古輪船承運漕糧減爲三錢五分實則支用不敷皆各虧本夫彼族之甘認此虧而爭運者蓋明知洋輪運漕可暫而不可久華商力量微薄藉以去其運漕津貼將立見傾覆而江海輪船之利仍可專歸於洋商耳其心計極爲狡狠若不杜其覬覦則華商之氣益餒洋商之談益張恐中國商務一蹶不可復振

朝廷視華商之輪船與沙甯船原無軒輊現在沙甯船運漕每石應支銀四錢三分一釐零所有本屆商局輪船運漕應請仍照沙甯船現領之數支給以後一體照辦不再區分扣減亦不扣海運局公費以免虧賠而資津貼輪船運漕較沙甯船多一保險及麻

袋之費其修費亦大今支款照沙甯船一律庶昭平允且轉運迅速不致久存船內卽有蒸變遇險又可取償是於公家亦殊有益湖北湖南江西采辦漕米飭由該局代購運交其運費亦應照四錢三分一釐零核給俾無歧異又該局原存各省官本及光緒二年買併旗昌船棧案內前南洋大臣沈葆楨奏撥官本未還銀一百七十八萬餘兩於光緒六年奏明由運漕水腳項下分年扣還其時局中借欠商款有限遂議先還官本尙屬急公今計歷年扣還並湖北軍需扣款業已過半尙應還銀七十七萬餘兩而該局現欠洋債計有一百餘萬兩若令官本洋債一併拔還商力萬不能逮查所贖各省官本七十餘萬內本有閒款亦非急不可待應請暫緩拔還免扣水腳各項以示體恤俟洋債歸結後即責令分年籌繳官本不准短少庶免失信外人亦不致同時催逼掣動

全局查泰西各國商務多由國家出費幫貼卽日本新定輪船公司章程議明十五年閒由政府保認商民股本按年八釐利息該公司向來所負之債並歸政府股分內所得子金償還誠以商務興廢關係國計強弱必相與維持於不敝中國帑藏非裕趨尙不同若保認商民官利代還債負勢有不能自應妄籌可行之策今所擬運漕水腳仍照沙甯船之數並無增益其回空免稅則較沙甯船核減帽合茶減稅甚微官本僅止緩繳實於公家並無甚損而該局商困藉可少舒事關中國商務要端非此斷不足以敵洋商而保我權利相應仰懇

特恩俯准照辦以作商民之氣大局幸甚至該局自去秋向旗昌收回後已遴派道員盛宣懷認真整頓經理嚴定章程力除弊端務使商民信從可資經久江海津海關道本飭隨時會籌局務應

併令江蘇糧道與江海關道遇有要件隨時會同局員籌商協助
俾資利便所有遵議緣由臣等往返商榷意見相同謹合詞陳請
伏乞

皇太后

皇上聖鑒訓示遵行謹

奏

卷五十一

目錄

卷五十一

目錄

卷五十一

目錄

酌定鐵甲船人數餉數摺

光緒十二年二月初九日

奏爲酌定新到鐵甲鋼甲船人數餉數照章赴海軍衙門支領恭
摺仰祈

聖鑾事竊前在德國訂造定遠鎮遠鐵甲船二隻濟遠鋼甲快船一隻雇用德國弁役駕駛來華於上年九月先後到沽經臣親赴海外駛驗詳細奏報所有三艦管駕暨大二三副管輪鍋爐升火人等均挑選素在兵船之學生及船廠當差之熟手以資得力並酌留德國員弁分派教練隨摺聲明在案一面督飭統領水師天津鎮總兵丁汝昌將三艦自管駕以次人數逐一酌定分別調派募補足額計定遠鎮遠兩艦各配設官弁匠役三百三十一員名各月支薪糧公費銀五千七百十一兩歲支醫藥費銀各三百兩濟遠艦配設官弁匠役二百四員名月支薪糧公費銀三千四百

八十九兩歲支醫藥費銀二百兩均自光緒十一年十月初一日
起支又三艦共酌留德國原來員弁及機器管輪人等四十三員
名月支薪餉銀六千三百六兩內寬舒一員已故現存四十二員
月支銀六千二百二十六兩均照合同按西歷月分起支除上年
十二月以前用款已由北洋海防經費項下支給外其自本年正
月起應需三艦經費昨准海軍衙門王大臣函商由該衙門現存
洋款內另發屬將一年應支總數若干覈定平數咨明派員赴京
承領用供要需其未能豫計各用項隨時咨領等因當查三艦薪
糧公費醫藥費一年共應領庫平銀十七萬九千七百三十二兩
內薪糧應扣小建及平餘銀兩俟發給時分別核扣年終彙冊開
報作正列收又煤斤修費及隨時添購物件並旗幟號衣等項每
年約十餘萬兩應先請領庫平銀五萬兩存備撥用據實開報至

教習洋員尙須查看情形酌量留遣久暫無定所支薪餉並非常
年額定支款應暫歸北洋經費內領支俟合同期滿分別去留每
艦酌定員數再歸入三艦經費彙領已緘覆海軍衙門在案此項
戰艦爲中國向所未有一切規模皆屬創始現在名額薪餉雖經
酌定將來如須斟酌損益再行隨時咨報立案除訂造該三艦價
銀並駕駛來華德國弁役往返薪工川資等項俟出使大臣截算
清楚咨覆到日再行核辦並將三艦酌定人數餉數開單分咨總
理海軍衙門各國事務衙門戶兵工部一面派員赴海軍衙門請
領銀兩外理合恭摺具陳伏乞

皇太后

卷一百一十一
皇上聖鑒敕下各衙門查照再定遠鎮遠兩艦有隨帶魚雷艇各
兩艘其應配官弁人等俟配設齊全定准員名薪餉數目再行分

各立案合併聲明謹

奏

覈覆疏河轉地梓無用片

光緒十二年二月初九日

再欽奉上年九月初八日

寄諭都察院代遞教諭謝鼎卿條陳擬造疏河轉地梓是否可用
著李鴻章酌覈具奏等因欽此當飭永定天津通永各河道並熟
悉河工之津海關道周馥候補道金福曾詳細查議旋據該道等
覆稱直省永定南北運滹沱等河挾壅沙泥皆極渾濁盛漲時奔
騰浩瀚其沙泥尙可隨溜而下漲過則水平力弱節節停滯從前
曾用混江龍鐵埽等器疏導但水大難於施用水小又隨起隨
淤難獲實濟轉地梓名目雖異而意在借物攻沙仍用水力實與
混江龍鐵埽等致相同聞山東試行無效業經停辦若用之直
省各河亦無把握等情又經咨詢山東茲准撫臣陳士杰覆稱前
據候選縣丞謝立袞稟造轉地梓三具派員如法搭繫船尾放入

黃河於深水淺水處一再試驗水深則懸空無著水淺則膠滯難行再於沙灘竭力拖試雖杼齒鑿沙計可數寸而隨起隨淤仍無裨益黃河水過沙停轉瞬積厚數尺尤非此杼所可見功且須三四十人牽挽而行徒費工力難收成效據河工局司道議請毋庸添造以節糜費咨覆前來臣復核皆係實情自應無庸置議理合附片覆陳伏乞

聖鑒謹

奏